



JOXE PIÑAS

Sagardoaren etxean

Maiatzaren azken aurreko igandea, eguerdiko 11ak elizako dorrean, herriko kaskoko etxeak txuri gorrizko ohialekin apainduta...

Frontoiko taulatu gainean herriko bertsolariak, txalapartaren soinua, irrintzia eta omenaldia jaso duten herri-tarrak...

Dema plazan ehun bat sagardo botatzaile herritar prest...

Frontoiko taulatu gainean hiru sagardo botila ireki dituzte; beso bat jaso eta bestea luzatu, goiko besoan botila okertu eta behekoan basoa prestatu.

Dema plazan ehundaka sagardozale prest...

Frontoiko taulatuan gainean sagardoa botilatik erortzen...

Dema plazan irribarrak...

Frontoiko taulatu gainean...

Dema plazan...

Txinparta!!

Hasia da; lehenengo botila irekitzen dugu, elkarri begira lehenengo basoa betetzen dugu. Txotx esan...topa egin...eta edan.

Sagardozaleak aurrean dauzkagu, erosi dituzten baso grabatuak mahai gainean uztean beraien aurpegiaren espresioak ilusioa islatzen du. Edaten dute, eskerrak ematen digute,

beste postu batera doaz... besteak datoz, besteak doaz...

Pintxo postuko kideek kroketa banatzen digute. Lagunek eta senideek pintxoak ekartzen dizkigute. Kidetasuna goizeko 8etatik nabarmena da.

Ordu bete pasa da sagardoa banatzen hasi garenetik. Herria trikitixaren soinuaz alaiturik bizi da, herriko eta kanpoko sagardozale sagardoz alaiturik gaude. Herriarrak, lagunak, kanpokoak, ezezagunak... sagardoak "txispatzen" gaitu, sagardoak txispa baitu.

Eguerdiko hamabi eta erdiak pasata, botatzaileen lehiketa hasi berria da. Badakizue, betiko botatzaile... beno aurten kantabriar bat omen dagoela... emaitzan sorpresarik ez. Ni aurten ere laugarren ote?

Iluntzean pixkanaka jendea erretiratzen hasia da.

Herritar askok biharamuna jai hartu dugu. Ajia arintzeko atzoko hainbeste anekdotak elkarri kontatzea baliogarria izango da.

Urte asko pasa ahala Sagardo Egun horretan gertakizun hura elkarrekin urtero gogoratzen dugu.

Eta pozik gaude, alai... harro sentitzen gara aurten ere oroimenerako momentuak bizi eta sortu baititugu.

Erritual asko dira Sagardo Egunean eta ohitura zahartzen dugun heinean, abegitsua sortuz eta sortuz, sortzen goaz.

Aitor Landaluze - Luis Aranalde - Aritz Gorriti - Imanol Ubeda - Nerea Zinkunegi - Idoia Torregarai - Joxe Piñas - Unai Agirre

Ika-mika

21. astea

LABen ibilbidea oztopoz beterik legon dela jakiteko, Sindikatuaren historia irakurri besterik ez dago. Langile Abertzaleen Batzordeak gaur egun duen mailara iristeko gauditu behar izan dituen zailtasunak garbi azaltzen dira bertan.

Hirurogeita hamargarren hamarkada amaieran eta laurogeiko hasierako zatiketa hura atsegina izan ez arren, Madriletik euskal langileon aurka egin-dako lege zapaltzaileei aurre egin behar izan dio sindikatuak, eta zer esanik ez baskongadetan sindikatu errepresentatiboa lortzeko edo Nafarroan dituen emaitzetara iristeko urteetan eraman duen borrokaz.

Aipatutakoaz gain, beste aurrerapauso garrantzitsuen zerrendan jarri behar

dira, Euskal Herri osoan (Ipar eta Hegoa) zabaldu eta txertaturik dagoen euskal sindikatu bakarra izatera iritsi izana, eta zer esanik ez nazioarte mailan lortu duen sinesgarritasuna.

Sinesgarritasun horren adierazle dugu urteko aste horretan, LAB eratzaile izanik, Donostian burutu den mundu mailako UIS-Metal-Meatzarien kongresua eta nazioarte mailako konferentzi sindikalak.

Hori gutxi balitz, aste berean zazpigarren Biltzar Nagusia izan du LABek. Bertan, gehiengo zabalarekin orain arte izan duen ildoari eutsiko dion zuzendaritza berri-gaztea aukeratu du. Hurrengo urteetarako erronkak zein izango diren zehaztu eta aurre egiteko biderik egokienak zein diren zehaztu dira Biltzarrean.

Biltzarraren amaierako ekitaldiaren hasieran, orain arte izan den zuzendaritza oholtza gainera igo zenean txalo zaparrada jaso bazuen, amaieran igo zen zuzendaritza berriak ez zuen txikiagoa jaso.

Orain arteko zuzendaritzak jarraipen sendoa jaso zuen ekitaldian, eta ziur naiz biltzarkideok aukeratu dugun zuzendaritzak orain arteko ildoari eutsiko diola.

Beraz, urteko 21.aste horrek izan eta erakutsi duen, digun garrantzia azpimarratu beharrean nago, eta orain arte bezala borrokaren bidez LABek aurrerapausoak ematen jarraituko duela ziur nagoenez, eutsi goiari eta jarrai orain arteko bideari.

Orkatz